

Broj: 02-14-7-3184/19  
Datum: 31.05.2019. godine

Na osnovu člana 70. Zakona o javnim nabavkama BiH („Službeni glasnik BiH“ broj 39/14), člana 110. Statuta općine Jajce ( „Službene novine općine Jajce“ broj 3/08) u postupku javne nabavke – konkurentskog zahtjeva za dostavu ponuda za radove koji se odnose na sanaciju hale u kasarni Kamenice, čije obavještenje je objavljeno na portalu javnih nabavki pod brojem 1190-7-3-16-3-13/19 od 03.05.2019. godine, na preporuku Komisije za javne nabavke broj 02-14-7-3184/19 od 30.05.2019. godine, Općinski načelnik općine Jajce donosi

## **O D L U K U**

### **o izboru najpovoljnijeg ponuđača**

#### **I**

Prihvata se Preporuka Komisije za javne nabavke broj 02-14-7-3184/19 od 30.05.2019. godine i Ugovor o nabavci radova koji se odnose na sanaciju hale u kasarni Kamenice, dodjeljuje se ponuđaču:

**"NASUP" d.o.o. Jajce**

Konačna cijena radova koji su predmet postupka javne nabavke utvrđena je na osnovu ponude odabranog ponuđača broj 12/19 od 20.05.2019. godine i ista bez uključenog PDV-a iznosi **67.500,00 KM** ( slovima: šezdesetsedam tisuć petstotina konvertibilnih maraka).

#### **II**

Ponuđač iz tačke I ove Odluke ocijenjen je kao kvalifikovan, a njegova ponuda od svih kvalifikovanih ponuda je najpovoljnija prema kriteriju za dodjelu ugovora iz člana 64. stav (1) tačka b Zakona o javnim nabavkama BiH (najniža cijena).

#### **III**

Ova odluka objavit će se na web stranici Ugovornog organa: [www.opcina – jajce.ba](http://www.opcina-jajce.ba) istovremeno s upućivanjem ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama BiH.

#### **IV**

U skladu sa članom 45. stav (2) i 47. Zakona o javnim nabavkama BiH odabrani ponuđač iz tačke I ove odluke je dužan u roku od 5 dana od dana prijema ove odluke dostaviti Ugovornom organu dokumentaciju propisanu članom 45. stav (2) i 47. Zakona o javnim nabavkama BiH koja je zahtijevana Tenderskom dokumentacijom. U suprotnom Ugovorni organ će postupiti u skladu sa članom 72. stav (3) Zakona o javnim nabavkama BiH.

Ove obaveze se oslobađa ponuđač ukoliko je nevedenu dokumentaciju dostavio u svojoj ponudi.

### **O b r a z l o ž e n j e**

Ugovorni organ – Općina Jajce je provela postupak javne nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku radova koji se odnose na sanaciju hale u

kasarni Kamenice, čije obavještenje je objavljeno na portalu javnih nabavki pod brojem 1190-7-3-16-3-13/19 od 03.05.2019.godine.

U predmetnom postupku javne nabavke Rješenjem Općinskog načelnika broj 02-14-7-3184/19 od 29.04.2019. godine imenovana je Komisija za javne nabavke.

Komisija za javnu nabavku je Ugovornom organu dostavila Zapisnik o ocjeni ponuda, Izvještaj o toku i završetku e-Aukcije i Preporuku o izboru najpovoljnijeg ponuđača broj 02-14-7-3184/19 od 30.05.2019. godine.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu zaprimljenih ponuda, o čemu je sačinila odgovarajuće zapisnike u kojima je utvrđeno da su blagovremeno zaprimljene pet (5) ponude i to ponude privrednih društava:

1. „TRIŠNIK“ d.o.o. Jajce
2. „NASUP“ d.o.o. Jajce
3. „BH4“ d.o.o. Jajce
4. "STRUKTURA" d.o.o. Jajce
5. "HOME GRADNJA" d.o.o. Donji Vakuf

Neposredno prije otvaranja ponuda Komisija je preuzela izvještaj o preuzimanju tenderske dokumentacije od strane ponuđača i utvrdila da su svi ponuđači preuzeli tendersku dokumentaciju sa Portala javnih nabavki.

Ocjenom zaprimljene ponude ponuđača "HOME GRADNJA" d.o.o. Donji Vakuf Komisija je utvrdila da ponuđač nije dostavio dokaze kojima dokazuje da ispunjava uslove u pogledu profesionalne sposobnosti. Dokaz koji su traženi u tenderskoj dokumentaciji, a tiče se dokaza o registraciji za obavljanje djelatnosti, moraju biti originali ili ovjerene kopije a to su: original ili ovjerena kopija aktuelnog izvorda iz sudskog registra ili drugog registra ne starijeg od 3 mjeseca od datuma predaje ponude, original ili ovjerena kopija ID broja i original ili ovjerena kopija PDV broja ukoliko je ponuđač PDV obveznik. Uvidom u zaprimljenu ponudu ponuđača "HOME GRADNJA" d.o.o. Donji Vakuf ustanovljeno su navedeni dokazi dostavljeni u kopiji a ne u ovjerenoj kopiji kako je traženo tenderskom dokumentacijom.

Obzirom na navedeno, ponuđač je ocijenjen kao nekvalifikovan i Komisija je takvu ponudu odbacila.

Ocjenom zaprimljenih ponuda ponuđača "NASUP" d.o.o. Jajce, "TRIŠNIK" d.o.o. Jajce, "STRUKTURA" d.o.o. Jajce i "BH 4" d.o.o. Jajce Komisija je utvrdila da su zaprimljene ponude dostavljene u skladu sa postavljenim uslovima u konkurentskom pozivu, tj. sve ponude sadrže tražena dokumenta te su ponuđači ocijenjeni kao kvalifikovani.

Nakon ocjene kvalifikacije ponuđača prešlo se na finansijsku evaluaciju ponuda te provjeri računskih operacija u cilju utvrđivanja eventualnih računskih greški. Komisija je utvrdila da nema računskih grešaka.

Tenderskom dokumentacijom u ovom postupku javne nabavke predviđeno je zakazivanje e-Aukcije.

Prema članu 67. Zakona o javnim nabavkama („Službeni glasnik BiH“, broj 39/14) i Odluci o obaveznoj primjeni preferencijalnog tretmana domaćeg („Službeni glasnik BiH“, broj 83/16) Ugovorni organ obavezno primjenjuje preferencijalni tretman domaćeg (preferencijalni tretman cijene). Preferencijalni tretman domaćeg se primjenjuje samo u svrhu poređenja ponuda prilikom ocjene ponuda. Tenderskom dokumentacijom navedeno je da je ponuđač dužan izjasniti se u svojoj ponudi u smislu preferencijalnog tretmana domaćeg u obrascu za dostavu ponude tako što će izabrati odgovarajuću opciju za njegovu ponudu. U slučaju da se ponuđač ne izjasni u pogledu preferencijalnog tretmana domaćeg smatrat će se da ne ispunjava uslove za primjenu preferencijalnog tretmana domaćeg.

Stoga, prije zakazivanja e-Aukcije, Komisija je utvrdila sljedeću rang-listu kvalifikovanih ponuđača (prema kriteriju najniža cijena):

1. NASUP“ d.o.o. Jajce - ponuđena cijena sa PDV-om iznosi 78.975,00 KM  
(ponuda bez PDV-a iznosi **67.500 KM**)
2. „TRIŠNIK“ d.o.o. Jajce - ponuđena cijena sa PDV-om iznosi 87.185,36 KM  
(ponuda bez PDV-a iznosi **74.517,40 KM**)
3. "STRUKTURA" d.o.o. Jajce – ponuđena cijena sa PDV-om iznosi 92.661,67 KM  
(ponuda bez PDV-a iznosi **79.198,01 KM**)
4. „BH4“ d.o.o. Jajce - ponuđena cijena sa PDV-om iznosi 103.293,45 KM  
(ponuda bez PDV-a iznosi **88.285,00 KM**)

Nakon e-Aukcije koja je zakazana za 28.05.2019. (početak e-Aukcije 09:00 - završetak 09:10 sati) i na koju su pozvani kvalifikovani ponuđači, utvrđena je konačna rang-lista (prema kriteriju najniža cijena i primjenom preferencijalnog tretmana) obzirom da nije bilo podnošenja ponuda:

1. NASUP“ d.o.o. Jajce - ponuđena cijena sa PDV-om iznosi 78.975,00 KM  
(ponuda bez PDV-a iznosi **67.500 KM**)
2. „TRIŠNIK“ d.o.o. Jajce - ponuđena cijena sa PDV-om iznosi 87.185,36 KM  
(ponuda bez PDV-a iznosi **74.517,40 KM**)
3. "STRUKTURA" d.o.o. Jajce – ponuđena cijena sa PDV-om iznosi 92.661,67 KM  
(ponuda bez PDV-a iznosi **79.198,01 KM**)
4. „BH4“ d.o.o. Jajce - ponuđena cijena sa PDV-om iznosi 103.293,45 KM  
(ponuda bez PDV-a iznosi **88.285,00 KM**)

Komisija je preporučila Ugovornom organu da se u predmetnom postupku javne nabavke dodijeli ugovor prvorangiranom ponuđaču "NASUP" d.o.o. Jajce.

Ugovorni organ nije našao razloge nepravilnosti niti propuste u radu Komisije koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 5 dana od dana prijema Odluke.

Svaki ponuđač koji ima legitimni interes u predmetnom postupku javne nabavke, a koji smatra da je Ugovorni organ prekršio jednu ili više odredbi Zakona o javnim nabavkama, ima pravo uložiti žalbu u pisanoj formi u roku od 5 (pet) dana od dana prijema ove odluke u skladu sa članom 99. i 101. Zakona o javnim nabavkama.

Dostaviti:

- Ponuđačima
- Službenik za informisanje
- a/a



**Općinski načelnik**  
Edin Hozan

*[Handwritten signature]*